

Nowe hašenske awto wobornikam

Nic kaž hewak w kapałce, ale we wohnjowobornej gratowni z přistajenym stanom swjećachu Worklečenjo wčera njedźelny nyšpor. Něhdźe 160 ludźi bě na njón přišlo.

Worklecy (aha/SN). Po dlěšim čakanju móžachu Worklečanskim wohnjowym wobornikam wčera skónčnje nowe jězdźidło přepodać. Wjesnjanosta Franc Bruska (CDU) witaše na to fararja na wuměniku a čestneho čłona wohnjoweje wobory, 81lětneho Rolfa Hocka, předsydu Budyskeho wokrjesneho wohnjowoborneho zwjazka Klause Ulbricha, wjelenlětneho wokrjesneho hašenskeho mištra Dietricha Schmikala kaž tež zapósłanca Sakskeho krajneho sejma Alojsa Mikławška (CDU).

W swojim předowanju nawjaza Chróšćanski farar Clemens Hrjehor na džěto wobornikow. Přirunujo jich z miłosćiwym Samaritanom pokaza wón na zhromadne kajkosće, kotraž wobornikow wuznamjenjeja. Woni swoje priwatne naležnosće w kóždym času wróćo sta-

jeja, pomhaja nuzu tradacym a maja bjezplatnu pomoc za samozrozumliwu. Džakujo so wobornikam za jich zamołwitu službu namołwješe farar Hrjehor dorosćacych, z dobrym přikładom sćěhować. Na to wón nowe hašenske jězdźidło a wobornikow žohnowaše.

Tež džěći pěstowarnje „K wódnemu mužej“ běchu so z nawodnicu Danielu Šoćić a dalšimi kubłarkami na tónle wažny podawk z programom přihotowali. Z „Tati-tata“ pjerachojó zdžěła we wohnjowobornych uniformach strowjachu. Z pěsnjemi a skečemi pokazachu tohorunja na to, kak strašne džěto wobornikow zdžěła je.

Nawoda wohnjoweje wobory Bosćij Riedel so za z modernej techniku wuhotowane jězdźidło w cyłkownej hódnoće 170000 eurow džakowaše. Wón rjekny, zo su sej kameradojo swojeje zamołwitosće wědomi a zo wšitko činja, sej znajomosće za poslužowanje přiswojic, zo bychu wočakowanu zasadžensku hotowosć zaručili a so z trěbnych pomocnych zasadženjow stajnje strowi nawróćili.



Z rukow wjesnjanosty Franca Bruska přijachu Worklečanscy wohnjowi wobornicy z nawodu Bosćijom Riedelom (wotprawa) na čole wčera nowe jězdźidło. Foto: aha